

— 12 —

VI

Chetu-ni diméet ha chetu-ni koutant
Lakeit d'emb én ur spred d'hobér ur vatimant.

VII

Groeit é er vatimant ha lakeit ar er mor ;
Oeit é d'er broieu pel, pel doh auden Arvor

VIII

Ne oé ket treménet, treménet hoah ur blé,
Kollet er vatimant, kollet men dén eüé.

IX

Kollet er vatimant, kollet men dén eüé
Kenevou eurusted, kenevou leüiné.

X

Me zer seien bremen n'ou dougein mui jamés
Reit em es ind é prov de chapél er Huerhéz.

XI

Men ma oeit en amzér, en amzér treménet
Ma karen é karcin hag é vezen karet ?...

Dastumet ha kaset de ZIHUNAMB get STEVAN ER GAL a Vaud.



Kousk Breih-Izél

I

En hiaul e zou kuhet, chetu achiù en dé ;
Me gleu er hloh é tinsein en Ave.

DISKAN

*Kousk, kousk.
Breih-Izél, bro hemb par ;
Chetu en noz é tichen ar en doar
Kousk,
Breih-Izél, bro ker mat ;
Boéh er mor bras e saù d'hou luchennat.*

— 13 —

II

Fronn huek er bléad glas hag er benal é bleu
Get er gloéh noz hum stréu ar er mézeu. (*Diskan*)

III

Er vugulion e son é tastum ou loñned ;
Guerzennou Breih nen dint ket hoah kollet. (*Diskan*)

IV

Er flagenneu didrouz, me gleu boéh en estig ;
Bamour en noz, kañnet flour ha dousik. (*Diskan*).

V

En néan steredennus, drest oh, Breih, é splannein,
E lar e hes un Doué doh hou karein. (*Diskan*)

VI

En nemb e huiz bamdé e houni é repoz ;
Eit en dud vat Doué en des groeit en noz. (*Diskan*)

VII

Arvor, o doar santél, a greiz kalon m'hou kar ;
Nen des bro erbet ker kaer ar en doar. (*Diskan*)

BLEI LANN-VAUS.



SONNEN ER BREHONEG

I

Chelenet hag é kleueet (*diù huek*)
Ur soñnen a neué saüet,
Loula landerinet
Ur soñnen a neué saüet,
Loula landerina

II

Saüet ar Vreib, mem bro karet,
Er vro kaeran e zou ér bed.

III

Benoh de Zoué ma hon gañnet
E Breih, ur vor kristén meurbet.

IV

Pe oé men généu digoret,
E brehoneg em es konzet,

V

E brehoneg em es konzet,
E brehoneg em es pédet.